

BOSNA I HERCEGOVINA
Arhiv Bosne i Hercegovine



01/2-50-1
B
БОСНА И ХЕРЦЕГОВИНА
Архив Босне и Херцеговине

Broj: 01-07-13-1/14
Datum: 13.01.2014.g.

Parlamentarna skupština
Bosne i Hercegovine
Predstavnički dom
n/r predsjedavajućeg Denisa Bećirovića

BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
SARAJEVO

PRIMLJENO: 20.01.2014			
Organizaciona jedinica	Klasifikaciona oznaka	Redni broj	Broj lista
01-50-1-15		-61/13	

Odgovor na poslaničko pitanje g.dina Saše Magazinovića

Arhiv Bosne i Hercegovine u okviru svojih nadležnosti:

- vodi brigu o arhivskoj i registraturnoj građi imalaca u svojoj nadležnosti, što uključuje mjere neposrednog nadzora čuvanja građe u sređenom i sigurnom stanju; evidentiranja javne i privatne arhivske građe; sudjelovanja u redovnim odobranjima arhivske iz registraturne građe, te preuzimanje arhivske građe u skladu s propisima;
- provodi mjere zaštite arhivske građe u Arhivu Bosne i Hercegovine;
- sređuje i obrađuje arhivsku građu;
- obavlja sigurnosno i zaštitno snimanje arhivske građe;
- omogućava korištenje arhivske građe u službene, pravne, nastavne i publicističke svrhe, udovoljava potrebama građana u rješavanju njihovih zakonskih prava kroz davanje podataka, izvoda iz dokumenata, kopija i sl.;
- radi na educiranju stručnog arhivskog osoblja;
- vodi evidenciju o građi u BiH i građi u inozemnim arhivima o BiH;
- daje mišljenja Vijeću ministara BiH o pitanjima arhivske službe i Arhiva BiH;
- predstavlja Arhiv BiH u međunarodnim stručnim asocijacijama (ICA, CIBAL, ICARUS) i dr.;
- saraduje s drugim arhivima, znanstvenim i srodnim ustanovama dokumentacijske i informacijske službe;
- učestvuje u realizaciji Sporazuma o sukcesiji (Aneks „D“) bivše Jugoslavije.

Arhiv je polifunkcionalna ustanova, t.j. ustanova s brojnim i različitim zadacima.

U radu Arhiva Bosne i Hercegovine dva su izrazita problema: problem kadra i problem prostora.

A) Rješavanje problema kadra vezano je za pitanje novog zapošljavanja, koji je opet u vezi sa budžetom institucija BiH, koji je nedostatan, da bi se popunila upražnjena mjesta, naročito stručnog arhivskog kadra. Od ukupno 20 zaposlenih što je 50% od planiranih Pravilnikom o unutrašnjoj organizaciji Arhiva Bosne i Hercegovine, samo je 8 sa visokom stručnom spremom. U proceduri je izbor rukovodnog (direktor i dva zamjenika) kadra.

Pitanje potpunosti i jačanja Arhiva stručnim kadrom svakako treba uvijek potencirati i u tom pravcu osmisliti kadrovsku politiku u saradnji sa Agencijom za državnu službu u institucijama BiH i Vijećem ministara Bosne i Hercegovine.

B) Pitanje prostora je nekoliko puta isticano, u komunikaciji sa Službom za zajedničke poslove institucija Bosne i Hercegovine, a Vijeće ministara BiH usvojilo je sa odgovarajućim zaključcima „Informaciju o prostornim problemima Arhiva BiH“.

Arhiv Bosne i Hercegovine raspolaže sa smještajnim prostorom (depoi) na četiri lokacije (zgrada Predsjedništva BiH, zgrada Rektorata Univerziteta u Sarajevu, zgrada Vlade Federacije BiH i zgrada Bosanskohercegovačko-grčkog prijateljstva).

Prostori su uglavnom podrumski i suterenski i vrlo su neuslovni, pa je arhivska građa izložena oštećivanju i propadanju. Osim pitanja uslovnosti ovih prostora, sama po sebi se ističe činjenica da ovakvo stanje utiče i na efikasnost u obavljanju poslova, konkretnije na utrošak vremena, sredstava održavanja i raspored osoblja.

Obzirom da trenutna ekonomska situacija ne daje mogućnost trajnog rješenja problema radnog i spremišnog prostora izgradnjom namjenske zgrade moguća kratkoročna rješenja su:

1. da se Arhivu Bosne i Hercegovine vrati radni i spremišni prostor u zgradi Predsjedništva BiH, koji je Arhiv koristio do 1992.godine,

2. da se Arhivu BiH dodijele na korištenje prostorije neke od kasarni, koja se vodi kao neperspektivna vojna imovina.

Jedan ovakav adaptiran prostor mogao bi se osposobiti za brojne sadržaje, kao što su: informacijski centar i čitaonica, izložbeni prostor, prostorija za stručne seminare i radionice.

Na kraju ističemo da je redovna komunikacija između Arhiva i Vijeća ministara Bosne i Hercegovine. Arhiv je izradio, a Vijeće ministara je usvojilo „Informaciju o zaštiti arhivske građe u institucijama Bosne i Hercegovine“. Prihvaćeni su zaključci koji se realiziraju u redovnom radnom procesu.

S poštovanjem,





Broj: 05-50-1-59/14
Sarajevo, 19.3.2014. godine

BOSNA I HERCEGOVINA PARLAMENTARNA SKUPŠTINA BOSNE I HERCEGOVINE SARAJEVO			
PRIMLJENO: 21-03-2014			
Organizaciona jedinica	Klasifikaciona oznaka	Redni broj	Broj priloga
01-50-1-15-61/13			

PARLAMENTARNA SKUPŠTINA BiH

- Zastupnički dom -

SARAJEVO

PREDMET: Odgovor na zastupničko pitanje – dostavlja se

Vijeće ministara Bosne i Hercegovine, na 88. sjednici održanoj 19.3.2014. godine, utvrdilo je Odgovor na zastupničko pitanje koje je postavio Saša Magazinović, zastupnik u Zastupničkom domu Parlamentarne skupštine Bosne i Hercegovine.

U pritvku prosljeđujemo Odgovor radi njegovog dostavljanja zastupniku.

S poštovanjem,


GENERALNI TAJNIK
Zvonimir Kutleša



**BOSNA I HERCEGOVINA
VIJEĆE MINISTARA**

Broj: 05-50-1-59/14
Sarajevo, 19.3.2014. godine

Gospodin Saša Magazinović, poslanik u Predstavničkom domu Parlamentarne skupštine Bosne i Hercegovine, na 61. sjednici Predstavničkog doma održanoj 30. 12. 2013. godine, postavio je sljedeće pitanje Vijeću ministara Bosne i Hercegovine:

„Šta je do sada urađeno po pitanju definiranja strategija u područjima: zdravstva i socijalne zaštite, penzija, nauke i obrazovanja, rada i zapošljavanja, kulture i sporta, geodetskim i geološkim i meteorološkim poslovima?“

Na postavljeno delegatsko pitanje, Vijeće ministara Bosne i Hercegovine je na 88. sjednici održanoj 19. 03. 2014. godine, utvrdilo sljedeći

ODGOVOR

Prema Zakonu o ministarstvima i drugim organima uprave Bosne i Hercegovine (“Službeni glasnik BiH”, br. 5/03, 42/03, 26/04, 42/04, 45/06, 88/07, 35/09, 59/09, 103/09, 87/12 i 6/13), u Članu 15. Ministarstvo civilnih poslova je, između ostalog, nadležno za utvrđivanje osnovnih principa koordinacije aktivnosti, usklađivanje planova entitetskih tijela vlasti i definisanje strategije na međunarodnom planu u području zdravstva, penzija i socijalne zaštite, nauke, obrazovanja, rada i zapošljavanja, kulture, sporta i geodetskih, geoloških i meteoroloških poslova.

Kada je riječ o razvijanju **strateških dokumenata u oblasti zdravstva**, kao što je izrada **strategije za sektor zdravstvene zaštite u Bosni i Hercegovini**, u saradnji sa entitetima i Brčko distriktom Bosne i Hercegovine, sudjelovanje u planiranju, koordinaciji i praćenju raspodjele sredstava prioritarnim sektorima (prevencija/promocija, primarna zdravstvena zaštita, sekundarna i tercijarna zdravstvena zaštita) u Bosni i Hercegovini, te razvijanje strategije upravljanja ljudskim resursima za zdravstveni sektor u BiH, navedene aktivnosti postavljene su kao poslovi u nadležnosti Sektora za zdravstvo Ministarstva civilnih poslova Bosne i Hercegovine.

Imajući u vidu naprijed navedeno, Ministarstvo civilnih poslova Bosne i Hercegovine je, 2009. godine, sprovelo aktivnosti na izradi Strategije reforme zdravstvenog sistema u Bosni i Hercegovini 2010-2015, u saradnji sa Ministarstvom zdravlja i socijalne zaštite Republike Srpske, Federalnim ministarstvom zdravstva i Odjeljenjem za zdravstvo i ostale usluge Brčko distrikta Bosne i Hercegovine. Osnov za izradu državne strategije za reformu zdravstva, bili su entitetski strateški dokumenti za reformu zdravstva. Izrada Strategije reforme zdravstvenog sistema u Bosni i Hercegovini, bila je predviđena i Dvogodišnjim sporazumom o saradnji

između Bosne i Hercegovine i Regionalnog ureda Svjetske zdravstvene organizacije za Evropu, za period 2008/2009.

Zaključkom Predstavničkog doma Parlamentarne skupštine Bosne i Hercegovine, donesenim na 53. sjednici održanoj 19.09.2013. godine, povodom rasprave o davanju saglasnosti za ratifikaciju Okvirnog sporazuma o kreditu između Bosne i Hercegovine i Razvojne banke Vijeća Evrope, Ministarstvo civilnih poslova Bosne i Hercegovine je zaduženo u roku od 90 dana donijeti Strategiju reforme zdravstvenog sistema u BiH.

S tim u vezi, Ministarstvo civilnih poslova je pripremlilo Nacrt Strategije reforme zdravstvenog sistema u BiH i 19.11.2013. godine, održalo sastanak sa predstavnicima nadležnog Federalnog ministarstva zdravstva, Ministarstva zdravlja i socijalne zaštite Republike Srpske i Odjeljenja za zdravstvo i ostale usluge Brčko distrikta Bosne i Hercegovine i međunarodnih institucija, na kom je predstavljen Nacrt Strategije reforme zdravstvenog sistema u Bosni i Hercegovini.

Predstavnici Federalnog ministarstva zdravstva i Odjeljenja za zdravstvo i ostale usluge Brčko distrikta Bosne i Hercegovine, podržali su izradu Strategije reforme zdravstvenog sistema u BiH. Predstavnici Ministarstva zdravlja i socijalne zaštite Republike Srpske su na održanom sastanku rekli da će odgovor u vezi sa izradom Strategije dostaviti u roku od 15 dana.

Shodno navedenom, u odgovoru od 24.12.2013. godine, Ministarstvo zdravlja i socijalne zaštite Republike Srpske navelo je da ne postoji pravni temelj za izradu zajedničkog dokumenta na nivou Bosne i Hercegovine budući da prema Ustavu Republike Srpske, Republika Srpska uređuje oblast zdravstva; da u Bosni i Hercegovini ne postoji jedan zdravstveni sistem, već tri posebna zdravstvena sistema (u Republici Srpskoj, Federaciji BiH i Brčko distriktu); zvanične i tehničke formalne konsultacije u vezi sa korištenjem fonda IPA II u BiH nisu počele, te isto ne može biti razlog za donošenje predmetne Strategije, kao i da mehanizam koordinacije u oblasti evropskih integracija u BiH nije dogovoren.

S obzirom na nadležnost entiteta u oblasti zdravstva i, prema tome, koordinirajuću nadležnost Ministarstva civilnih poslova Bosne i Hercegovine u predmetnoj oblasti, a imajući u vidu činjenicu da je za efikasno ostvarivanje koordinirajuće uloge Ministarstva civilnih poslova Bosne i Hercegovine nužna saradnja Federacije BiH, Republike Srpske i Brčko distrikta Bosne i Hercegovine, te imajući u vidu naprijed iznesen stav Ministarstva zdravlja i socijalne zaštite Republike Srpske, Ministarstvo civilnih poslova BiH, bez saglasnosti svih relevantnih institucija, nije u mogućnosti sprovesti potrebne aktivnosti na donošenju Strategije reforme zdravstvenog sistema u Bosni i Hercegovini.

U nadležnosti **Sektora za rad, zapošljavanje, socijalnu zaštitu i penzije** Ministarstva civilnih poslova BiH definisane su i strategije u ovoj oblasti.

Odsjek za rad i zapošljavanje je u saradnji sa nadležnim entitetskim institucijama i institucijama Brčko distrikta Bosne i Hercegovine, socijalnim partnerima i institucijama Bosne i Hercegovine u toku 2010. godine pripremio Strategiju zapošljavanja u Bosni i Hercegovini za period 2010-2014. godine. Vijeće ministara Bosne i Hercegovine je, na 128. sjednici održanoj 14. 7. 2010. godine, donijelo je Odluku o usvajanju Strategije zapošljavanja u Bosni i Hercegovini 2010-2014. godine, a koja je stupila na snagu danom donošenja.

Poglavljem 4. pomenute strategije propisan je „sistem za implementaciju, nadzor i evaluaciju“ kojim je predviđeno da implementaciju Strategije zapošljavanja u Bosni i Hercegovini 2010-2014 vrše vlade entiteta i Vlada Brčko distrikta Bosne i Hercegovine, zajedno sa socijalnim partnerima.

S obzirom da je oblast rada i zapošljavanja i utvrđivanje prioriteta u isključivoj nadležnosti entiteta i Brčko distrikta Bosne i Hercegovine, tako je Strategija donesena u skladu sa dogovorom o utvrđivanju problema u oblasti zapošljavanja i utvrđenim prioritetima za prevazilaženje tih problema, te su akcijske, odnosno operativne planove za implementaciju Strategije donijele vlade entiteta i Brčko distrikta Bosne i Hercegovine, u saradnji sa socijalnim partnerima. Implementacija ove strategije se završava krajem 2014. godine.

Aktivnosti Ministarstva civilnih poslova BiH u oblasti socijalne zaštite i penzija determinirane su koordinirajućom ulogom ovog ministarstva koja proizilazi iz člana 15. Zakona o ministarstvima i drugim organima uprave Bosne i Hercegovine („Službeni glasnik BiH“, broj: 5/03), dok su nadležnosti u ovim oblastima, uključujući zakonodavnu, strateško-plansku, nadzornu, koordinacijsku i operativno-implementacijsku, situirane, isključivo, u entitetskom zakonodavstvu i zakonodavstvu Brčko distrikta BiH, te kantona u Federaciji BiH, tako da u tom smislu Ministarstvo civilnih poslova BiH, objektivno, nema nadležnosti u pogledu aktivnog kreiranja socijalne politike u Bosni i Hercegovini.

U području socijalne politike, 2010. godine, u formi Nacrta, sačinjen je dokument „Strategija socijalnog uključivanja BiH“ i Akcioni plan za provedbu ovog dokumenta u čijoj je izradi učestvovalo i Ministarstvo civilnih poslova BiH. Strategijom su definisani, između ostalih, ciljevi koji se odnose na penzionu politiku, položaj djece sa porodicom, te položaj osoba sa invaliditetom u BiH. Navedeni dokument usvojen je na nivou FBiH i Brčko distrikta BiH, dok na nivou Bosne i Hercegovine i Republike Srpske nije usvojen.

U području društvene brige za osobe sa invaliditetom, što u značajnoj mjeri obuhvata i oblast socijalne zaštite, Ministarstvo civilnih poslova BiH dalo je značajan doprinos kreiranju i implementaciji dokumenta „Politika u oblasti invalidnosti u BiH“ („Službeni glasnik BiH“, broj: 76/08). Ovaj strateški dokument artikuliran je kroz entitetske dokumente: „Strategija i Plan akcije za izjednačavanje mogućnosti za osobe sa invaliditetom u Federaciji Bosne i Hercegovine 2010-2014“, te „Strategija za unaprjeđenje društvenog položaja lica sa invaliditetom u Republici Srpskoj 2011-2015“.

U okviru provođenja projekta „Jačanje sistema socijalne zaštite i socijalne inkluzije u BiH“ (SPIS) Ministarstvo civilnih poslova BiH sačinilo je dokument „Okvirna politika unaprjeđenja ranog rasta i razvoja djece u BiH“ („Službeni glasnik BiH“, broj: 36/12), te učestvovalo u izradi dokumenta „Smjernice za prepoznavanje socijalno isključenih kategorija djece u BiH“ („Službeni glasnik BiH“, broj: 29/12). Navedenim dokumentima projicirani su ciljevi i aktivnosti iz oblasti socijalne zaštite i socijalne inkluzije.

Kroz SPIS projekat planirana je i izrada Okvirne politike socijalne zaštite i socijalne inkluzije u BiH. Navedeni dokument sačinjen je u Ministarstvu civilnih poslova BiH u formi radnog teksta i kao takav je predstavljen na Konferenciji o socijalnoj zaštiti i inkluziji održanoj u Sarajevu 04. i 05.11.2013. godine.

Pored navedenog važno je istaći i ključnu ulogu Ministarstva civilnih poslova BiH u artikulaciji projekta IPA 2011 „Jačanje sistema socijalne zaštite na svim nivoima vlasti“ koji

je kroz komponentu "Sistem socijalnih usluga i poboljšanje praćenja kapaciteta" (2.200.000 €) usmjeren na poboljšanje društvenog položaja starih osoba i osoba sa invaliditetom. Ministarstvo je u procesu koordinacije pribavilo saglasnosti za implementaciju navedenog projekta od strane nadležnih organa entiteta i Brčko distrikta BiH, i o tome 10.10.2013. godine izvijestilo Delegaciju Evropske unije u BiH, čime su stvoreni uslovi za implementaciju ovog projekta.

U oblasti **obrazovanja**, Ministarstvo civilnih poslova je u okviru svojih nadležnosti i u saradnji sa nadležnim obrazovnim vlastima iniciralo izradu i usvajanje većeg broja strategija koje definišu različite nivoe obrazovanja, među kojima izdvajamo sljedeće strateške dokumente:

„Strateški pravci razvoja predškolskog odgoja i obrazovanja u BiH“ Ministarstvo civilnih poslova je preduzelo aktivnosti kako bi inoviralo i u suradnji sa nadležnim obrazovnim vlastima izradilo novi strateški dokument za ovu oblast. S tim u vezi, Vijeće ministara BiH je na 43.sjednici održanoj 26. marta 2013.godine razmotrilo i usvojilo Informaciju o implementaciji dokumenta Strateški pravci razvoja predškolskog odgoja i obrazovanja u BiH sa predloženim zaključcima. Jednim od zaključaka zaduženo je Ministarstvo civilnih poslova BiH da, u saradnji sa ministarstvima obrazovanja u BiH, pokrene aktivnosti na izradi novog dokumenta strateškog tipa o daljem razvoju predškolskog odgoja i obrazovanja, te da isti dostavi Vijeću ministara BiH na razmatranje i usvajanje do kraja 2014. godine. Ovaj dokument treba biti pripremljen u suradnji sa svim nadležnim obrazovnim vlastim i uz potporu UNICEF-a.

„Strateški pravci razvoja obrazovanja sa planom implementacije 2008-2015“ („Službeni glasnik BiH“, broj 63/08) definiraju glavne pravce razvoja obrazovanja u BiH sa fokusom na razvoj kvalifikacijskog okvira, osiguranje kvalitete na svim nivoima obrazovanja što uključuje i uvođenje eksterne mature; razvoj preduzetničkih vještina te obuku nastavnika, kako u procesu rada, tako i u incijalnom obrazovanju nastavnika na visokoškolskim institucijama.

„Strategija razvoja srednjeg stručnog obrazovanja i obuke za period 2007-2013. godina“ („Službeni glasnik BiH“, broj 65/07). U okviru EU VET II projekta, izrađen je naznačeni strateški dokument, čija je osnovna namjena definiranje općih pravaca razvoja stručnog obrazovanja i obuke u BiH. Strategija se oslanja na Lisabonsku konvenciju i Kopenhasku deklaraciju. Ministarstvo civilnih poslova planira u predstojećem periodu pripremiti informaciju o provođenju navedene Strategije, a zatim u saradnji sa nadležnim obrazovnim vlastima pokrenuti aktivnosti u cilju izrade novog strateškog dokumenta koji će definisati ovo područje, a u skladu sa Strategijom EU 2020, te Strategijom 2020 za Jugoistočnu Europu.

„Strategija učenja o preduzetništvu u obrazovnim sistemima u Bosni i Hercegovini u razdoblju 2012. – 2015“ (sa akcionim planom implementacije) („Službeni glasnik BiH“, broj. 29/12) Strategija je razvijena unutar IPA 2007 projekta "Podrška EU regionalnom ekonomskom razvoju i razvoju malih i srednjih poduzeća". Preduzetništvo je Lisabonskom strategijom uvršteno među osam ključnih kompetencija za cjeloživotno učenje, a dalje se taj koncept razvijao donošenjem Zakona o malim preduzećima u Evropi i usvajanjem dokumenta „Evropa 2020“ – Program strateških okvira za evropsku saradnju na polju obuke i obrazovanja. Budući koraci u području preduzetničkog učenja bit će usmjereni na realizaciju aktivnosti iz Akcijskog plana u toku 2014. i 2015.godine, a u okviru EU projekta "Preduzetničko učenje u obrazovnim sistemima u BiH" (IPA 2011).

Osnove kvalifikacijskog okvira u Bosni i Hercegovini ("Službeni glasnik BiH", broj 31/11) 2011-2015.godina, predstavljaju temeljni dokument za dalji razvoj kvalifikacijskih okvira u BiH. Prihvatajući značaj Evropskog kvalifikacijskog okvira za dalju društveno-ekonomsku reformu, a posebno reformu sektora obrazovanja i rada, Bosna i Hercegovina proteklih godina poduzima niz aktivnosti sa ciljem izgradnje i provedbe Kvalifikacijskog okvira. Vijeće ministara BiH je 24. marta 2011. godine donijelo Odluku o usvajanju osnova kvalifikacijskog okvira u Bosni i Hercegovini, a 11. januara 2013. godine Odluku o imenovanju Komisije za izradu kvalifikacijskog okvira u Bosni i Hercegovini („Službeni glasnik BiH“, broj 09/13), koja je imala zadatak izraditi i predložiti radni plan svih glavnih aktivnosti za izradu kvalifikacijskog okvira u Bosni i Hercegovini.

Akcioni plan za izradu kvalifikacijskog okvira u BiH 2014-2020. Komisija za izradu kvalifikacijskog okvira u Bosni i Hercegovini izradila je **Akcioni plan za izradu kvalifikacijskog okvira u BiH 2014-2020**, a koji bi nakon provedene procedure trebao biti dostavljen Vijeću ministara BiH na razmatranje i usvajanje. Dokument sadrži glavne aktivnosti i elemente (uključujući metodologiju, standarde, potrebna sredstva, rokove, operativne timove i drugo) vezane za izradu i provedbu Kvalifikacijskog okvira za cjeloživotno učenje u BiH, koji će biti usklađen sa Evropskim kvalifikacijskim okvirom.

7 osnovnih strategija i smjernica za implementaciju Bolonjskog procesa: S ciljem približavanja Evropskom prostoru visokog obrazovanja i provedbe Bolonjskog procesa, u okviru projekta Evropske komisije i Vijeća Evrope („Jačanje visokog obrazovanja u BiH“ 2006-2008), pripremljeno je sedam reformskih dokumenata u oblasti visokog obrazovanja:

1. Okvir visokoškolskih kvalifikacija u BiH;
2. Preporuke za implementaciju Okvira visokoškolskih kvalifikacija u BiH;
3. Standardi i smjernice za osiguranje kvalitete u visokom obrazovanju u BiH;
4. Preporuke za implementaciju osiguranja kvalitete u visokom obrazovanju u BiH;
5. Model dodatka diplomi za BiH;
6. Priručnik za korisnike modela dodatka diplomi i
7. Državni akcioni plan za priznavanje kvalifikacija u BiH.

Navedeni dokumenti su usvojeni od strane Vijeća ministara BiH („Službeni glasnik BiH“, broj 13/08).

Aktivnosti po pitanju definisanja strategije u oblasti kulture i nauke:

- **Strategija kulturne politike u BiH** donesena je u 2008. godini („Službeni glasnik BiH“ br. 93/08).
- **Akcioni plan za implementaciju Strategije kulturne politike u Bosni i Hercegovini** donesen je na 161. sjednici Vijeća ministara BiH koja je održana 15.09.2011. godine. Akcioni plan izradili su: Ministarstvo civilnih poslova BiH, Ministarstvo prosvjete i kulture RS i Federalno ministarstvo kulture i sporta BiH, a razvijen je u okviru projekta MGDF/UNDP, UNICEF-a i UNESCO-a.
- **Strategija razvoja nauke u Bosni i Hercegovini 2010-2015** („Službeni glasnik BiH“, broj 21/10)

Strategija razvoja nauke u BiH je dokument koji daje strateške smjernice i plan djelovanja za razvoj naučnoistraživačke djelatnosti u Bosni i Hercegovini za period 2010 – 2015. godina, s

ciljem prosperitetnog razvoja nauke i istraživanja, privrede, obrazovanja i kulture u Bosni i Hercegovini u skladu sa preporukama razvoja nauke u Evropi i svijetu.

Ciljevi Strategije razvoja nauke u BiH su:

1. Osiguranje vodeće uloge nauke i tehnologije kao faktora dugoročnog razvoja zemlje kroz konsenzus svih donosioca odluka u smislu da razvoj nauke predstavlja opći interes.
2. Povećanje finansijskih izdvajanja javnog i privatnog sektora u BiH za oblast nauke i tehnologije na bazi kratkoročno i dugoročno definiranih prioriteta i planova, kao i osiguranje kontinuirane podrške inovativnosti, transferu tehnologija te komercijalizaciji i primjeni naučnih dostignuća.
3. Praćenje razvoja nauke i tehnologije i njenog uticaja na ostale segmente društva na temelju međunarodno priznatih statističkih standarda.
4. Veće učešće BiH istraživača i institucija u evropskoj naučnoistraživačkoj mreži i Evropskom istraživačkom prostoru (ERA).
5. Izgradnja novog sistema visokog obrazovanja i njegovo osposobljavanje za kompetentan naučnoistraživački rad, s ciljem osiguranja nove generacije naučnika i usavršavanja postojećih naučno-istraživačkih kadrova.
6. Strukturne promjene u naučnoistraživačkim sistemima, s naglaskom na kooperativna i zajednička istraživanja univerziteta, naučnoistraživačkih instituta i industrije, odnosno osiguranje jače povezanosti nauke i privrede s ciljem postizanja razvojnih ciljeva.
7. Osiguranje pristupa elektronskim naučnim bazama podataka, uvezivanje bibliotečkog sistema, podrška jačanju domaćih naučnih časopisa, uspostavljanje baze podataka naučnih radnika i naučnih institucija.
8. Razvoj istraživačke infrastrukture po međunarodnim standardima.
9. Reinvestiranje u industrijsko istraživanje u određenom broju sektora.

- **Akcioni plan za provođenje Strategije („Službeni glasnik BiH“, broj 21/10)**

Sastoji se od 79 mjera za provođenje strategije. Između ostalog, mjere se odnose na: usklađivanje pravnih propisa u zemlji sa propisima EU, uspostavljanje naučno-tehnološke baze podataka – statistički parametri (indikatori) u skladu sa evropskim i svjetskim standardima odnosno po standardima (OECD/UNESCO), intezivno uključivanje u evropske tokove nauke i tehnologije kroz učešće u naučnoistraživačkim projektima i intezivno učestvovanje bosanskohercegovačke nauke u sistemu međunarodne razmjene znanja; međunarodna saradnja stvaranje tehnološke baze društva (inovativnost, transfer tehnologija, zaštita intelektualnog vlasništva, komercijalizacija i primjena naučnih dostignuća); jačanje saradnje nauke i privrede s ciljem prerastanja obrazovanja i intelektualnog kapitala u strateški razvojni resurs; promocija naučnoistraživačkog rada i jačanje javne svijesti i povjerenja u nauku i tehnologiju. Sve ove aktivnosti se ostvaraju uz koordinaciju aktivnosti sa nadležnim institucijama za nauku u zemlji.

U skladu sa Zakonom o sportu u BiH („Službeni glasnik BiH“, broj 27/08 i 102/09) u članu 8.,9 i 10. i članu.60, pomenutim članovima definisan je način utvrđivanja **Strategije razvoja sporta**, te postupak usvajanja od strane Parlamentarne skupštine Bosne i Hercegovine.

U skladu sa Zakonom o sportu Strategiju razvoja donosi Parlamentarna skupština Bosne i Hercegovine na prijedlog Vijeća ministara BiH. Članom.9. Zakona o sportu u BiH definisano je da se Strategijom utvrđuje: osnovna polazišta i pravci razvoja sporta; sadržaj i obim sportskih djelatnosti koji se finansiraju, odnosno sufinansiraju iz budžeta BiH, razvojni i

stručni zadaci u sportu; okvirni kriteriji za vrjednovanje programa i njihovih finansiranja u sportu; nosioci razvoja i mjere kontrole njegove realizacije.

Strategija razvoja sporta u Bosni i Hercegovini za period 2010-2014 godina, a na prijedlog Ministarstva civilnih poslova BiH i Vijeća ministara BiH, usvojena je od strane Parlamentarne skupštine BiH i objavljena je u („Službenom glasniku BiH“, broj: 86/10). Period na koji je usvojena Strategija razvoja sporta u Bosni i Hercegovini je četvorogodišnji, a to je period od 2010-2014.

Na osnovu Strategije razvoja sporta u Bosni i Hercegovini za period od četiri godine vrši se izrada programa razvoja sporta u Bosni i Hercegovini za svaku tekuću godinu.

Ministarstvo civilnih poslova BiH je provelo proceduru imenovanja članova radne grupe za izradu Strategije razvoja sporta u BiH za naredni četvorogodišnji ciklus. Zadatak radne grupe je da izradi nacrt Strategije razvoja sporta u BiH za naredni četvorogodišnji period, a u skladu sa članom.9. Zakona o sportu u Bosni i Hercegovini.

Aktivnosti Sektora za geodetske, geološke i meteorološke poslove Ministarstva civilnih poslova po pitanju definiranja strategija:

- **Strategija iz oblasti geodezije za Bosnu i Hercegovinu**

Ministarstvo civilnih poslova Bosne i Hercegovine je postiglo dogovor sa predstavnicima entitetskih uprava za geodetske i imovinsko-pravne poslove za izradu Strategije i istu planiralo u Programu rada za 2010. godinu. Međutim, u toku realizacije, Republička uprava za geodetske i imovinsko pravne poslove Republike Srpske se izjasnila da ne prihvata izradu Strategije, Federalna uprava za geodetske i imovinsko-pravne poslove nije poslala izjašnjenje u vezi Strategije dok je Odjeljenje/Odjel za javni registar Vlade Brčko Distrikta Bosne i Hercegovine izrazilo spremnost da učestvuje u izradi strategije iz oblasti geodezije za Bosnu i Hercegovinu. Zbog navedenog stava entitetskih uprava za geodetske i imovinsko-pravne poslove, Ministarstvo civilnih poslova Bosne i Hercegovine je uputilo Informaciju u vezi sa nemogućnosti izvršenja zadatka iz Programa rada Savjeta ministara Bosne i Hercegovine za 2010. godinu - Prijedlog strategije iz oblasti geodezije za Bosnu i Hercegovinu. Na 137. sjednici održanoj 18.11.2010. godine Vijeće ministara Bosne i Hercegovine je usvojilo Informaciju Ministarstva civilnih poslova Bosne i Hercegovine u vezi sa nemogućnosti izvršenja navedene aktivnosti, čime su sve daljnje radnje na ovoj aktivnosti obustavljene.

- **Strategije iz oblasti geologije za Bosnu i Hercegovinu**

Ministarstva civilnih poslova Bosne i Hercegovine je zajedno sa nadležnim entitetskim tijelima iz oblasti geologije pokrenulo proceduru „Program izrade osnovne inženjerskogeološke karte Bosne i Hercegovine, M=1: 100 000“ i „Program izrade osnovne hidrogeološke karte Bosne i Hercegovine, M=1: 100 000“, koji se mogu smatrati strateškim dokumentima iz oblasti geologije. Navedeni programi su izrađeni, izvršena je revizija programa a u toku je verifikacija istih od strane entitetskih vlada. Nakon verifikacije programi će biti upućeni na usvajanje Vijeću ministara Bosne i Hercegovine.

- **Strategije iz oblasti meteorologije za Bosnu i Hercegovinu**

Ministarstva civilnih poslova Bosne i Hercegovine je započelo aktivnosti, sa nadležnim entitetskim tijelima vlasti za oblast meteorologije, na aktivnosti „Izrada Studije eksternih vremenskih nepogoda u Bosni i Hercegovini“ kao strateškim dokumentom za oblast meteorologije. Vijeće ministara BiH je na 18. sjednici održanoj 30.08.2012. godine usvojilo Informaciju o izradi studije ekstremne vremenske nepogode u Bosni i Hercegovini i trenutno je u proceduri odabir eksperta koji će izraditi navedenu studiju.